

雞足山志卷之四

寺院<sup>上</sup>

野史氏曰滇南古屬西域天竺界內自西漢以後始通中國前此帝王之化不及而彝俗愚悍賴佛教化導興起善思郡誌載茲地舊有三千蘭若雞山元旦僧俗燒香散花遠近至音萬計自漢迄今無虛歲可知滇南崇信佛教殆先於中國今村野土民多有不畏王法而談及因果報應則凜狀敬信者狀則釋氏遏惡揚善之功

雞足山志

卷之四

寺院

一

有助於帝王之治匪淺也誌寺院

寺

金頂寺

在天柱山四觀峯古有方塔一座今毀弘治間有僧建庵其上至嘉靖年郡人李元陽建普光殿萬曆己未直指潘濬建觀風閣天啓丁卯直指朱泰禎建天長閣崇禎丁丑直指張鳳翮建善雨亭築羅城上立四觀樓己卯直指涂必泓建景星亭辛巳黔國沐天波移雲南省城大和宮金殿來山廢

普光殿併塔就其址以立金殿順治甲午因殿宇頽廢合山耆宿同僧白玉重修因觀風閣舊址爲佛殿廢天長閣爲伽藍殿廢阿難殿爲藏經閣廢善雨亭爲臥龍軒廢景星亭爲碑亭後有土主殿前有靈官殿康熙三十年殿閣俱災惟銅殿獨存三十一年總督范承勳提督諾穆圖重建天一閣於觀風臺舊址僧慧酪福峙募姚安土官高翮映子映厚重修殿廡過道山門山頂風厲冬春之間積雪不滄而寺居其上孤聳寒寂非有志者不能久居也

雞足山志

卷之四

寺院

二

### 迦葉殿

原名袈裟殿在插屏山麓登絕頂懸崖之半此寺創自先朝年代莫考古碑碣有云周昭王五年丙辰牟尼佛出世其脫衣正在此處故名袈裟殿唐天寶時供刻像於此又名迦葉殿明初間有羽人結一小庵至成化時傾廢嘉靖壬子僧圓慶募鄧川土官阿子賢建寺後又傾圮復募阿國禎重修萬曆壬子阿岑增修僧洪詔募造萬佛銅塔一座

順治戊戌僧廣高與合山重修康熙丁未灾殿閣樓塔俱燼庚戌年山東僧淨極重修丙寅年又灾徒慧文重建殿廡惟塔未建寺末年徒慧輝募南藏全部並水陸莊嚴還貯本寺接衆飯僧內有土主殿相傳爲沙音灼漠土主蓋其神自西域隨護迦葉尊者至此山云

### 石鐘寺

在仙鶴山下背靠獅子林望臺面向鉢盂山寺創自唐時明永樂正統間勅賜大少林寺僧了通雞足山志  
卷之四  
寺院  
三  
了曉重建并後閣康熙庚戌僧洪舒廣睿重建殿閣上供三世佛接衆飯僧

按寺名石鐘者閣之左古有澄潭上懸崖石叩之如鐘鳴故以名寺今潭石俱廢相傳有圓石形如鐘者譌也

### 寂光寺

在錦霞山之下背靠梅檀林弘治年初荆花椒庵嘉靖初年爲奸徒盜葬已而毀庵僧悟明控官斷復三十七年僧本貼同蘇鵬程楊舟建寺萬曆年

僧儒全募童指揮重修天啓間儒能再修康熙己巳僧學彥通智重修

### 聖峯寺

在鐘靈山前卽古明歌坪背靠青檀山面向尊勝塔院左去數百步接淨居林嘉靖辛丑年僧淨月開建其徒道裕德住相繼增大之後有玉皇閣左鏡光閣右觀音殿康熙庚申災甲子僧寂佐募修按此寺址爲明歌坪者淨月初建寺時掘地得碑上云迦葉入定時八明王歌詠頌佛於此地

雞足山志

卷之四

寺院

四

古稱爲明歌坪云

### 華嚴寺

在雞足中峯之中背靠熊羆岡面向九重崖嘉靖間僧眞圓建庵後黔國公張郭二總管擴爲寺內有沐公祠萬曆庚寅 頒賜藏經乙卯年灾僧海川募張舉郭子榮重修麗江土知府木增建藏經閣戊戌正月灾康熙癸丑僧照敏照彥募江西客人吳文華重建總督蔡毓榮巡撫王繼文俱有題額

按寺址林巒深邃原係熊窟僧眞圓選勝至此  
跌坐通宵衆熊大吼散去僧遂居焉

### 傳衣寺

卽古圓信庵在鳳凰山下背靠萬松山岡左尊勝  
塔右白石庵得山水大會雞足中峯盡處也嘉靖  
初年僧性玄同李元陽勅建隆慶年灾萬曆丙午  
僧寂觀重修康熙己酉僧心怡源霏源統重修

### 大覺寺

在紫雲山前萬壽庵之上背靠望臺左去龍華寺

雞足山志

卷之四

寺院

五

數百步右鄰千佛閣萬曆初年寂光寺僧儒全同  
城楊宗堯建一小庵萬曆十七年楚僧本安同  
吳僧福登賚慈聖太后懿旨一道頒藏經至山儒  
全宗堯延請本安居之至三十年僧可全增大爲  
寺康熙癸卯僧周璧洪質普宜普開新建大殿廊  
房

### 悉檀寺

在滿月山下大龍潭之上後靠石鼓峯萬曆丁巳  
麗江府土知府木增延僧釋禪建天啓四年 勅

頒藏經賜額祝國悉檀禪寺崇禎己巳建法雲閣  
貯之至辛未年其子木懿重加丹堊宏麗精整遂  
爲一山之冠辛巳年僧道源往朝普陀又請嘉興  
府藏經一部歸貯奉大殿中康熙丁卯年僧妙枝  
教綿募麗江土知府木壘重建門閣

### 龍華寺

在百花山前西竺寺之上背靠望臺左接極樂庵  
右鄰大覺寺弘治年間僧圓亨建嘉靖甲子僧悟  
學募李元陽修治萬曆戊午僧洪聚王治中重修  
雞足山志

### 卷之四

寺院

六

### 放光寺

在瓊樓山下倚壁參天面山橫案適當雞山之胸  
臆嘉靖丙午僧圓惺同李元陽創建萬曆三年灾  
圓惺復建戊戌年 勅頒藏經後有藏經閣久已  
傾頹崇禎間合山耆宿重修康熙辛亥灾萬壽庵  
僧文波募順寧知府楊 重建藏經閣

### 西竺寺

在龍華寺之前弘治間僧慧徹建了空庵其徒德林擴大之更名古松庵萬曆乙未圓瑞重修爲西竺寺後有昊天寶閣姚安陶珽讀書于此辛卯年灾甲午年僧眞崇重修

### 千佛寺

在寂光寺之下前對靈源庵嘉靖甲寅僧明玉李元陽剏建天啓間性潔重遷建之

### 接待寺

卽古福緣寺在中峯之麓背靠傳衣山岡左里許雞足山志

卷之四

寺院

七

接九蓮寺剏建自先朝年代莫考永樂年商太監同僧普炤重修後殿嘉靖二十二年僧致學募李元陽重修遂移今址萬曆年天心和尚居此接待往來僧衆更名接待寺後有觀音閣今廢

### 首傳寺

在積行庵西南萬曆丁丑僧周樂募建康熙丁卯僧德海重修

### 蘭陀寺

在金龍潭背靠獅子林萬曆間黔國公建延法師

眞澄居之康熙庚午僧寂尚寂戒募化重修

### 傳燈寺

卽銅瓦殿原名迦葉寺在猢猻梯之下左有袈裟石右百步許接華首門卽迦葉入定處故寺卽以此名正德間僧圓成同北勝州土官高世懋建鑄銅瓦爲殿萬曆間中丞唐時英修後鄉官李元陽更爲增擴乃樹碑以記之

### 西來寺

在羅漢壁太華靜室之左萬曆年僧如唐禪棲於

雞足山志

卷之四

寺院

八

此崇禎十年其徒性讓改建爲寺今廢

### 碧雲寺

在西來寺左腋下天啓年僧幻空創建康熙三十年僧有悟有光重修

### 祝國寺

在毘盧閣左萬曆九年僧普宗刱建辛卯明月重修康熙三十年僧眞奇重葺

### 白雲寺

在補處庵之上萬曆甲午僧古事建陶不退更名

定雲庵今荒廢

法明寺

在毘盧閣之上萬曆己丑朱廷偉同僧普宗勅今廢

燃燈寺

在象鼻山前首傳寺右二里許萬曆年建後災崇禎初年僧自周重修今廢

隆祥寺

古名白井庵在聖峯寺垂巒下三里許成化年勅

雞足山志

卷之四

寺院

九

建嘉靖間僧戒寬修建康熙丙寅僧福咏重建

圓通寺

在西竺寺東隆慶元年僧德成建萬曆丙午其徒真鳳擴大之崇禎年間性寧重修

迎祥寺

卽鉢盂庵在石鐘寺之南鉢盂山下嘉靖年陳塗勅建李卓吾嘗萬此聽經崇禎丙戌僧周定重修康熙丙午僧普宜廣富重修

觀音寺

在息陰軒後嘉靖年僧能中建萬曆二十九年郭子榮重修今廢

### 三摩寺

在象頭山前卽大士閣萬曆乙巳直指沈公正隆初建徵僧古言居之康熙丙辰年僧德海德壽重修

### 雷音寺

在淨雲庵左萬曆年僧默庵先建止止庵於般若庵之下李元陽楊如檟遷於今處改名雷音寺崇禎間僧海法重修內有聽竹軒

### 九蓮寺

在福緣寺西里許嘉靖間接待寺僧居靜於此萬曆三十八年延僧無爲屛之遂建寺其徒紫真覺用相繼增修順治丁酉本湛重修康熙三十年蜀僧自證居之

### 報恩寺

在尊勝塔院垂岡之下嘉靖初年建萬曆庚寅姜應雷修治順治壬辰僧寂順重修康熙壬申僧通

壁重修

拈花寺

在蒼波山下辭佛臺右三里許爲入山之第一刹  
面對蹲象山自此至山頂計四十里萬曆年間趙  
日新建後有玉皇閣

羅漢寺

在大龍潭上悉檀寺前剏自先朝年代莫考今廢  
覺靈寺

在放光寺西三里許嘉靖初年建今改爲迦葉殿  
雞足山志

卷之四

寺院

十一

塔院

大聖寺

在金華庵下五六里許萬曆辛卯僧普霖建

廣恩寺

在翔龍寺左嶺下半里許萬曆十年僧炤能建

翔龍寺

在大聖寺西三里許萬曆丁巳僧通文同鄧川庠  
生張瓚建康熙丙寅本寺僧体微重建飯僧結衆  
白鹿寺

在金華庵之左威音寺右萬曆年建今廢

威音寺

在檀花箐西十里許背靠木香坪萬曆年僧普明  
建今廢

懷恩寺

在雞次坪西後山之麓乃鄧川登山必由之路嘉  
靖年大理府卞經歷建今廢

慈聖寺

一名幻居庵在菽勒村之上萬曆年僧妙瑞建此

雞足山志

卷之四

寺院

十一

處最多佳木花果前後俱有流泉池沼

牟尼寺

在牟尼山去雞足六十里謝撫院買山爲僧釋禪  
建中有塔

吉祥寺

在大覺山天啓年僧可全建今廢

庵院

補處庵

在白雲寺下背靠羅漢壁萬曆丙子僧如正結茆

於此後周懋和倪拱宸擴而爲庵康熙辛亥僧文相大幸募修

### 幻住庵

在林泉室下一里許萬曆年僧如堂建順治初年灾僧淨立重修康熙戊辰僧普嚴募修

### 尊勝塔院

在文筆山乃雞足左峯盡處廻顧一山如張圖畫崇禎戊寅麗江府應襲木靖同悉檀寺僧道源道真刱建中立尊勝塔高六丈六尺周匝禪室四十

雞足山志

卷之四

寺院

十三

楹製度宏淨頗堪託勝散懷順治丙申木氏復捐貲冶巨鐘重二千餘斤晨夕鐘聲震响一山精修之士藉以警動昏沈卽愚罔之夫亦可以震醒聾聵實聞修之一助也康熙己巳僧教綿教立募土官木櫛孫土知府木興重建

### 彌勒院

在慧燈庵左背靠迦葉殿刱建年遠日就傾圮丁亥年僧正用募鄉紳吏部魯高捷遷址重建康熙丙辰僧學融重修接衆

片雲居

在集賢山下古雪齋之左崇禎辛巳僧道涵建庚子春大錯和尚寓此修雞足山志康熙癸丑僧教卓重修

白雲居

在天池山下右去二百步爲圓淨庵崇禎癸未賓川鄉紳曾高捷延僧圓彩建曾晚年祝髮隱修于此康熙辛亥僧妙熏同曾學祖重修

古雪齋

雞足山志

卷之四

寺院

十四

在集賢山下片雲居右崇禎甲午僧道源道慈建內有蒼波閣康熙甲寅僧教綿募修

罔措齋

在寶蓮庵內僧普荷隱居於此著有罔措齋頌古

息陰軒

在觀音寺之南萬曆壬子憲副馮時可爲僧釋禪建崇禎十三年麗江府知府木懿重修康熙己巳僧教蓮重修

菩提場

在般若庵左萬曆年僧周科建後荒廢丁亥年僧本達募周京重建今廢

圓淨庵

在白雲居右嶺嘉靖年僧周嚴建

法界庵

在圓淨庵右嶺萬曆初年僧圓心建康熙壬寅僧廣息重修

五華庵

在龍泉庵左嘉靖元年僧如月募衆建庚戌重修

雞足山志

卷之四

寺院

十五

康熙三十年僧德壽重修

無我庵

在龍泉庵上嘉靖年僧普周建萬曆間灾僧道定重建今廢

龍泉庵

在小龍潭上萬曆庚辰僧古爾建門外有染池緇流取其土以染衣

大乘庵

在大士庵左弘治初年僧悟禪刱建康熙己巳僧

洪敬重修

大士庵

在大智庵左剏建年遠莫可稽考嘉靖丁未僧可解募李元陽重修萬曆丁亥僧周儒再修康熙癸卯僧廣嚴重修

大智庵

在淨覺庵左一名慧燈院萬曆乙卯僧如顯建

淨覺庵

在圓通寺左嘉靖二十五年僧眞蓮建萬曆壬辰

雞足山志

卷之四

寺院

十六

威遠州刁土官重修癸巳年僧洪宣重修

極樂庵

在淨覺庵右舊爲湧泉庵在寶蓮庵十母閣之上嘉靖年僧眞山眞用同建後因山水崩瀉庵爲之圯萬曆二十年僧如海遷建今處更名極樂一名太平庵一名地藏庵一名淨寧寺崇禎庚辰僧洪鏡重修康熙庚午僧普合募土官高翮映重修

寶蓮庵

在鳳毛山下淨覺庵上古名蓮宗寺萬曆庚辰僧

眞慧剏建順治戊戌僧普荷重修內有罔措齋庵後舊有斗母閣今圯

### 萬壽庵

在西竺寺右萬曆己亥僧眞松募衆建康熙己酉僧海淳重建

### 卿雲庵

在潮音閣上萬曆二十二年僧周徹募楊續芳剏建崇禎間僧洪聚重修相傳迦葉入定皆有彩雲飛繞於此因以名庵康熙甲子僧泉源重建

雞足山志

卷之四

寺院

十七

### 牟尼庵

在鉢盂庵右隔澗半里許嘉靖間有僧建茆庵於此施茶因呼爲茶房後回祿楊周改建爲牟尼庵延僧智空居之萬曆年灾僧寶印重修

### 法華庵

在觀音寺右嘉靖間僧圓光建萬曆壬子僧如松重修崇禎十年僧海榮重修康熙己巳僧通璧募修

### 靈源庵

在觀音寺之上萬曆三十年僧如金建今廢

妙覺庵

在燃燈寺下萬曆初年僧圓貞建崇禎十二年僧眞式重修康熙戊辰僧眞密重修

天竺庵

在慧靈庵之下嘉靖四十年僧悟能習靜於此萬曆十一年其徒大千募韓璠建庵萬曆四十四年僧普伸重修康熙庚午僧自明重修

慧靈庵

雞足山志

卷之四

寺院

十八

在天竺庵上舊址在天竺庵下正德間僧可秀習禪於此有天人送供之異萬曆間包見捷沈時泰重修崇禎四年僧普信移建今處但荒僻寥落無人居之

雲海庵

在祝國寺下天順年僧智曉同徒慧雲建後因回祿嘉靖間僧普宗遷建天啓乙丑僧清滿重修康熙壬戌灾庚午年蜀僧天璧重建卽萬壑松濤八景之一

無住庵

在隆祥寺右里許萬曆間僧眞鸞開建康熙庚午僧寂玉募修

凌霄庵

在明歌坪右腋凌霄山之下萬曆二十八年僧圓恩建今廢

慧燈庵

在彌勒院西背靠迦葉殿萬曆乙巳僧洪平結茆習靜於此崇禎甲戌其徒普現募朱新祈擴址建

雞足山志

卷之四

寺院

十九

庵康熙壬申僧宗海募修

海會庵

在勝峯寺之下嘉靖癸卯僧漣壽建今廢

積行庵

在滿月軒西萬曆三十四年僧靈骨建康熙壬申僧德悟重修

水月庵

在寂光寺右內有清涼閣雲鶴塢萬曆年僧用周習禪於此其徒廣月擴大之

曇花庵

古名八角庵在傳衣寺之左嘉靖間僧圓炳建隆慶年災萬曆初年僧眞悟募阮尚賓重修康熙丁巳僧寂洪重修

淨雲庵

在彌陀庵左嘉靖乙未李元陽同僧眞炳刱建天啓元年僧如江募洱海楊土官重修崇禎乙未僧性杲再修內有懶雲窩無我室康熙壬申僧肇先重修

雞足山志

卷之四

寺院

二十

圓通庵

在彌陀庵右嘉靖間僧海印建丙戌年僧心慧重修康熙甲寅僧無然重修

彌陀庵

在圓通庵左嘉靖間僧如松建隆慶年災萬曆八年僧了貴重修康熙丙寅僧源敏募修

萬松庵

在松雲山下古名蘭宗寺嘉靖間僧圓清建舊址在左腋中天啓辛酉僧如桂募李中谿遷建今地廢

般若庵

在菩提場右嶺下隆慶間僧海衆建後廢崇禎初  
年僧雪峯重修癸巳年僧心怡再修康熙辛亥僧  
源統重修

慈雲庵

在傳衣寺垂岡左側嘉靖年僧三昧建崇禎末年  
僧性文重修康熙壬申僧寂洪募修

開化庵

在慈雲庵下萬曆三年僧眞鸞開建崇禎辛巳僧

雞足山志

卷之四

寺院

二十一

性永重修其址先有龍潭自眞鸞開基龍遂讓地  
而出泉於左腋之下康熙辛未僧照瑞募修

雲溪庵

在報恩寺右萬曆年僧道備募衆建康熙癸卯水  
目嗣法玄顏重修

白石庵

在白石崖乃雞足右峯盡處左二里許接洗心橋  
右二里許接辭佛臺弘治間僧明正募洱海楊土  
官建其崖壁玲瓏洞壑幽邃極天劃神鏤之巧今

廢

金華庵

在檀花箐西五里許嘉靖年僧南嵩開建

伏虎庵

在曹溪庵之西崖今荒圯

曹溪庵

在古佛洞西左腋出泉甘美如曹溪萬曆癸卯僧  
明悟建直指宋興祖重修今荒廢

功德庵

雞足山志

卷之四

寺院

二十一

在八功德水上萬曆年僧雲聚居靜於此今廢

藏頭庵

在磐陀石北小澄臺上萬曆年建今廢

兜率庵

在滴雪崖前嘉靖初年蔡關主建集僧煉魔於此  
今廢

觀音庵

在象鼻山寶藏庵之上萬曆四年李元陽建今廢

寶藏庵

在觀音庵下燃燈寺之上今廢

圓覺庵

在凌霄庵右嶺下創建年遠莫可考論今庵已傾廢惟故址存焉

瀑布庵

在瀑布崖之西嘉靖年建今廢

淨土庵

在傳衣寺下萬曆年建今廢

慈聖庵

雞足山志

卷之四

寺院

二十三

在淨雲庵右萬曆間僧圓昇移瀑布庵於此今廢

大力庵

在彌陀庵內嘉靖年僧大力建今廢

水露庵

在大士閣下今廢

奉眞庵

在翔龍寺下萬曆間僧普潤建今廢

盤龍庵

在法明寺前今廢

獅子庵

在獅子林山後獅子窩其間林木深曠人不能居  
今廢

東塢庵

在獅子庵之北東塢村土人建今廢以上自金華庵起

庵止十八處皆廢

繼周庵

在山麓沙址內居女僧天啓年建

祇園庵

雞足山志

卷之四

寺院

二十四

在沙址村右康熙丁巳僧慧自新刱

永勝庵

在沙址村後康熙丙寅僧淨光新建

閣

玉皇閣

在聖峯寺內萬曆間建崇禎年北勝州柴州守重修

御藏閣

在放光寺內萬曆年刱建以貯藏經明末洱海道  
何閔中鄉紳曾高捷同八大寺重修康熙甲寅僧

文波新之

石鐘閣

在石鐘寺內萬曆年僧了極

建其徒周

輝洪舒重增大之以貯藏經順治戊戌燬於兵

火康熙壬寅僧洪舒復建

法雲閣

在悉檀寺內崇禎二年麗江土知府應襲木懿同  
悉檀寺僧道源道慈剏建以貯藏經辛未年重修

潮音閣

雞足山志

卷之四

寺院

二十五

在龍華寺內嘉靖丙寅僧周堂募彭文學建萬曆  
乙卯僧普坤募李春富重修康熙戊辰僧宗潔同

庠生李            重修

華嚴閣

在華嚴寺內萬曆年麗江土知府木增剏建以貯  
藏經丁酉年灾

觀風閣

在四觀峯頂萬曆己未直指潘濬建今廢

天長閣

在四觀峯頂天啓丁卯直指朱泰禎建今廢

藏經閣

在四觀峯頂羅城內佛殿後卽禪僧廣稱閱藏之所

大觀閣

在四觀峯之後二里許玉枕峯上萬曆年建今廢

千佛閣

在靈源庵之上嘉靖甲寅李元陽同僧明玉建奉佛千尊今閣廢遷建爲寺

雞足山志

卷之四

寺院

二十六

毘盧閣

在祝國寺西背靠青檀山右去半里許接華嚴寺萬曆庚戌僧如文募王麒翔建

太子閣

在華首門卽迦葉入定處先年有僧建庵於此日就傾圮嘉靖四年僧昌玉同阿國禎重建鐵瓦殿萬曆己亥僧性來募周懋和建二方塔癸巳年鄉紳魯化龍重修康熙庚午舉人曾學祖同僧學融重修

大士閣

在三摩寺內萬曆乙巳直指沈正隆建康熙庚申僧德海德壽重修

明鏡閣

在聖峯寺內古有鏡千百面懸於其上今鏡失閣存

拈花後閣

在拈在寺內天啓年趙輝寰同僧普念建

眞武閣

雞足山志

卷之四

寺院

二十七

在仰高亭上

玄天閣

在碧雲寺後卽幻空靜室也

迎祥閣

在鉢盂庵內康熙甲子僧普宜重建

蒼波閣

在古雪齋內大錯和尚題扁取唐句連山若波濤奔走似朝東之意

光明王閣

在九蓮寺內

極樂寶閣

在大乘庵內

清音閣

在大士閣左澗中天啓年僧排清建

大悲閣

在猢猻梯上萬曆間僧可極建今荒廢

文殊閣

在四觀峯二里許嘉靖年建今廢

雞足山志

卷之四

寺院

二十八

普賢閣

在大悲閣之上萬曆年建今廢

賓蒼閣

在拜佛石之上正德年郡人李元陽曾讀書於此  
今廢

袈裟石閣

在銅瓦殿左數十步大石突起青石白紋分爲條  
片宛肖水田衣之狀世傳迦葉晒袈裟於石上故  
遺跡存焉嘉靖初年僧圓清結茆於此後構小閣

今廢

微笑閣

在迦葉殿旁嘉靖年建今廢

千手閣

在西來寺之左萬曆年僧如唐建今廢

昊天寶閣

在西竺寺內萬曆丁丑僧德林建今廢

斗母閣

在寶蓮庵內萬曆年建今廢

雞足山志

卷之四

寺院

二十九

玉龍閣

在瀑布之上大理周太守建卽龍吟壑今廢

觀音閣

在接待寺內今廢

天一閣

在四觀峯頂觀風臺舊址上康熙三十一年總督

范承勳提督諾穆圖同建

樓

天咫樓

在迦葉殿前順治丁酉修建上貯藏經中奉萬佛塔最爲莊嚴其樓三層而地形又最高故名天咫康熙三十年災三十一年僧慧文重建樓僅二層巡撫王繼文題額

### 九年樓

在寂光寺殿右內供藏經達麼尊者不立文字面壁九年斯樓之稱蓋欲閱藏經者觸目警心不借文字爲津筏耳

### 二觀樓

在大覺寺正殿前內貯藏經樓以二觀名取道德經有欲無欲之義

### 錦雲樓

在傳衣寺佛殿右萬曆年建以貯藏經樓前有大山茶一株其高五丈大七圍花及萬朶開時爛若堆錦枝柯入總朝暎初升影映櫺檻炫人瞻顧其下又多種杜鵑英燦繁麗樓以此名

### 殿

### 金殿

在四觀峯頂銅鑄爲殿外以金裝梁柱窻壁備極精巧此殿原在雲南省城鸚鵡庵太和宮崇禎辛巳黔國公沐天波移建峯頂因名此寺爲金頂寺

銅瓦殿

又名銅佛殿在傳燈寺正德間北勝州土官高世懋與僧圓成重修此殿因山頂風冽嚴冬積雪屋瓦凍裂遂冶銅爲瓦以覆之

鐵瓦殿

在華首門嘉靖四年僧昌玉同阿國眞建今廢

雞足山志

卷之四

寺院

三十一

萬壽殿

在悉檀寺內萬曆年麗江土知府木增同本寺僧釋禪建

彌陀殿

在華嚴寺內康熙甲寅僧照敏同庠生吳維相重建

塔

萬佛塔

在迦葉殿前閣高二丈六尺煉銅爲之外飾以金

上鑄萬佛最爲莊嚴萬曆年僧洪詔募造今廢  
尊勝塔

在文筆山高六丈六尺四圍廻廊四十間製構精  
宏遠近瞻仰崇禎戊寅麗江土知府應襲木靖同  
悉檀寺僧道源刱建後道真重加修整鮮□端崇  
迥絕凡境

飲光雙塔

在華首門左右對峙各高二丈三尺萬曆己亥僧  
性來募周懋和建太子閣正居其中

雞足山志

卷之四

寺院

三十一

吉祥塔

在牟尼山高四丈僧釋禪建

祠

黔國公祠

在華嚴寺內萬曆間黔府張郭兩總管奉沐國公  
命重修華嚴寺因爲沐公建長生祠於左下西年  
燬于火今故趾存焉康熙辛未僧照律重修

恭節公祠

在大覺寺內公劍川人己未進士任四川巴縣知

縣天啓元年川中藺酋叛陷重慶府公死之闔門  
殉難贈光祿卿謚恭節寺僧爲立祠

潘朱兩代巡祠

在四觀峯金頂寺內萬曆間潘直指諱濬者於山  
頂建觀風閣至天啓年朱直指諱泰禎者復建天  
長閣兩閣最爲偉麗山頂由是香火始盛合山比  
丘德之爲立祠肖像祀焉

木太守祠

在悉檀寺大殿右木公諱增號生白麗江土知府

雞足山志

卷之四

寺院

三十三

崇禎間以輸餉助邊加叅政銜萬曆丁巳公以母  
老祈壽拜疏於朝請建祝國悉檀寺 上可其奏  
遂捐貲數萬延僧釋禪剏建于大龍潭上復于本  
寺門內建萬壽殿以致祝 國之誠天啓戊辰命  
僧道源入京請藏經建樓供于殿左寺僧因爲立  
祠公又于本山華嚴寺建藏經閣九重崖建一衲  
軒文筆山建尊勝塔院俱極精偉山中修建功德  
惟公爲最焉

卷四終